



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Commirii E Societate Jesu Carminum Libri Tres

Commire, Jean

Lutetiæ Parisiorum, 1678

Paschalis Antiphonae Paraphrasis Ad Rel. V. D. J. B. Pellet Cartusianum.
Ode IX.

urn:nbn:de:hbz:466:1-14818

Fratris nomen juncture marito,
 Sponsæ nomen juncture sorori;
 Leti dissocians fœdere conjuges,
 Leti consocians munere virgines.
 At vos, Cæciliæ dicata cultu
 Turma præcipuo, boni sodales;
 Ne finite præterire tam lætum diem.
 Date flores, ne cœtite ferta,
 Ferte faces, urite tura.
 Agite, quatite cymbala tinnula,
 Jungite lenibus organa tibiis,
 Argutæ fidibus sibila tibiæ,
 Alterno repetat musica gens ad numeros chordæ:
 Nupsit Cæcilia, & Valerianum
 Christo parturiens, funere nobili
 Vitæ redonavit, beati
 Perpetuum comitem triumphi.

PASCHALIS ANTIPHONÆ PARAPHRASIS

AD RÉL. V.

D. J. B. PELLOT CARTUSIANUM.

ODE IX.

LUCIDI regina potens Olympi:
 Cui dies puros famulante curru
 Sol agit, nocte rutilisque pingunt
 Sidera flammis:
 Pectoris curas, age, pelle tristes,
 Heu! nimis longo saturata luctu:
 Terge manantes lacrymis ocellos,
 Oraque virgo.

*Regina cœli.**Luctu.*

Alleluia.

Nunc sonent plausus, tenerisque amicum
Gaudiis carmen, citharaque dulces;
Nunc superfluo tibi corda inundet
Amne voluptas.

*Quia quem me-
rniſſi portare:
Alleluia.*

Ille, qui rerum genitus parente
Se tuam gaudet sobolem vocari,
Morte io! pulsâ redit ad beatæ
Lumina vitæ.

Resurrexit

Ille ferali trabe quem refixum
Sub cavo condi moribunda faxo
Videras, io! domito reportat
Dite triumphum.

*Sicut dixit:
Alleluia.*

Cerne, regali trabea renidens
Fulgure ut transit Zephyros curuli;
Seque miraclo probat esse vatem
Judice verum.

*Ora pro nobis.
Alleluia.*

I, pete amplexus, licitoque amoris
Mater indulge. Sed enim tuorum
Sis memor, nec jam miseros clientes
Despice felix.

PROSA PASCHALIS, VERSIBUS REDDITA.

AD C. V.

JACOBUM GAUDINUM
DOCTOREM ET SOCIMUM SORBONICUM,
CANONICUM PARISIENSEM.

ODE X.

*Vidime paschali
landes immolent
Christianos.*

MUNDI victima quæ nefas,
Fortis pro misera gente necem pati